

Litšoantšo tsa Bonngoe



SABATHA MANTSIBOEA

Bakeng sa Boithuto ba Beke Ena Bala:

1 Pet. 2:9; Exod. 19:5, 6; Ba-Ef. 2:19–22; 1 Ba-Kor. 3:16, 17; 1 Ba-Kor. 12:12–26; Johanne 10:1–11; Lipesaleme 23.

Teman'a Khopolo:

“Hobane joaloka ha 'mele o le mong, 'me o e-na le litho tse ngata, 'me litho tsohle tsa 'mele o le mong, leha li le ngata, e le 'mele o le mong feela, Kreste le eena o joalo”(1 Ba-Korinthe 12:12).

Joaloka ha mang kapa mang ea ithutileng Bibe le tseba, e tletse litšoantšo le lipapiso tse supang ho linnete tse khoho le feta litšoantšo tseo le lipapiso ka botsona. Mohlala, moelelo oa litšebeletso tsa mahlabelo, hantle, li ne li tšoantša 'nete e khoho ka ho fetisa: Jesu le leano la pholoho ka botlalo. Ho sebelisoa mefuta e meng ea litšoantšo kahare ho Bibe le, 'me ka nako e 'ngoe lintho tse bonolo feela—joaloka metsi, mollo, moea. Ho ipapisitsoe le moelelo, litšoantšo tsena ke tsa linnete tsa semoea le tsa thuto-molimo. Mohlala, ha Jesu a ne a re, “ ‘Moea o fokela moo o ratang teng, 'me o utloa molimo oa oona; empa ha o tsebe moo o tsoang teng, e moo o eang teng. Ho joalo le ho bohle ba tsoetsoeng ke Moea ’” (Johanne 3:8), moea o fokang o ne o sebelisoa ho tšoantšisa Moea o Halalelang. Bibe le e sebelisa litšoantšo tse 'maloa ho hlalosa mofuta oa bonngoe o fumanehang kahare ho kereke, bonngoe boo Molimo a e biletsang ho bo bontša lefatšeng. Setšoantšo ka bo 'ngoe ha sea fella ka bo sona se le joalo. Empa litšoantšo tsena kaofela ha tsona li senola lintho tse ngata ka bonngoe ba kereke, joaloka kamano ea kereke le Molimo, kamano ea litho se seng ho se seng, le kamano ea kereke le sechaba ka botlalo. Thuto ea beke ena e tla talima tse ling tsa litšoantšo le seo li se senolang ka bonngoe ho Kreste.

**Bala thuto ea beke ena ho lokisetša Sabatha sa la 1 Pulungoana.*

Sechaba sa Molimo

Bala 1 Petrose 2:9; Exoda 19:5, 6; Deuteronomoma 4:20; le Deuteronomoma 7:6. Litemana tsee li reng ka boemo bo khethehileng ba sechaba sa Molimo?

Kereke ke batho, empa e seng mofuta osele feela oa batho. Kereke ke batho ba Molimo, batho ba ikarabellang ho Molimo, ba bitsang Molimo Ntat’ a bona le Mopholosi oa bona, ba lopollotsoeng ke Krete ’me ba mo latelang. Setšoantšo sena se tšoaea taba ea hore haesale Molimo a e-na le batho lefatšeng ho tloha ha ho qala ho fanoa ka leano la pholoho le hore ho na le tsoelo pele pakeng tsa Israele Testamenteng ea Khael le kereke Testamenteng e Ncha. Ho tloha nakong ea Adama, bapatriareka pele ho Moroallo, le Abrahama, Molimo o entse selekane le batho ba Hae hore e be baemeli ba lerato, mohau, le toka ea Hae ho lefatše. Batho ba Molimo ba bitsoa “moloko o khethiloeng,” “baprista le marena,” le “mofuta o halalelang.” Mantsoe ana a bontša hore ba khethetsoe kathoko bakeng sa mosebetsi o khethehileng: “le tle le bolele lithoko tsa ea le bitsitseng lefifing a le kenya leseling la Hae le hlollang” (1 Pet. 2:9). Sena se boetse ke mohoo o phetang tlhaloso ea semelo sa Molimo sa mohau, joalokaha se hlaloso ho Exoda 34:6, 7. “Molimo o ithuetse kereke e le leruo la Hae le khethehileng e le hore litho tsa eona li tle li bontše makhabane a Hae a bohlokoa maphelong a tsona le ho phatlalatsa molemo oa Hae le mohau ho batho bohle.” —*The SDA Bible Commentary*, vol. 7, leq. 562.

Bala Deuteronomoma 7:6–8. Ke eng se ileng sa susumetsa Molimo ho khetha leloko la Abrahama ho ba sechaba sa Hae? Taba ee e ntse e ameha joang le kajeno?

Mohlomong re ka ipotsa, ke naha efe lefatšeng kajeno e lokeloang ke tlhaloso ea “moloko o halalelang” (setšoantšo se seng sa kereke)? Ha e eo. Lichaba tsohle le merabe e tletse batho ba sa tšoaneloeng ke lerato le mohau oa Molimo. ’Me leha Bibe le re biletsa ho ba batho ba halalelang, Lengolo le boetse le ruta hore khetho le ho theoa ha Israele ho ne ho le holim’ a lerato la Hae ka botlalo e seng ka makhabane a fe kapa a fe ao batho ba neng ba ka a hlalisa kapele ho Eena. Popo ea sechaba sa Molimo ke ketso ea ho rata tlhaho le—ho sa natsoe sebe le bokoenehi ba sechaba kaofela—Molimo o bolokile selekane sa Hae ho Abrahama hore ka peo ea hae, Krete, o tla boloka batho ba Hae. Joalo feela ka ha khetho ea batho ba Molimo e bile ketso ea mohau oa Hae, ho joalo feela le ka pholoho ea bona. Taba ena e re hopotsa metso ea rona e tšoanang mohaung oa Molimo o sa re lokelang.

Hobaneng ha re lokela ho lula re beile kapele ho rona ’nete e halalelang ea hore pholoho ea rona e lutse holim’ a seo Krete a re etselitseng sona e seng holim’ a eng kapa eng eo re ka iketsetsang eona, leha re ka ba “sechaba sa Molimo”?

Lelapa la Molimo

Setšoantšo se seng bakeng sa sechaba sa Molimo Testamenteng e Ncha ke ntlo kapa lelapa la Molimo. Ke papiso ea lejoe le meaho e bontšang sebopeho sa boitšetleho ba e mong ho e mong ba likamano tsa batho kahare ho kereke. Petrose o re Bakreste ke “majoe a phelang” (1 Pet. 2:5). Papiso ena e boetse e phuthetse boleng ba ho se fele le bothata.

Bala Ba-Efese 2:19–22. Ke lintlha life tsa bohlokoa tseo Pauluse a li tiisang litemaneng tsee? Setšoantšo see se re bolella eng ka bonngoe ka kerekeng?

Litemaneng tsena, Pauluse o kopanya litšoantšo tse peli tsa kereke: se seng ke se sa phelang, ntlo kapa moaho; se seng ke se phelang, lelapa la batho. Lejoe ha le na boleng bo bongata ha le le leng, empa ha le tlamahantsoe le majoe a mang, a fetoha moaho o ka emelang lifefo tsa bophelo. Ha ho na Mokreste eo e ka bang lejoe a le mong, empa o lokela ho ikamahanya le babang kopanong ea boena ba lelapa la Molimo. Hore moaho o tiee, o lokela ho tsitsa holim’a motheo o matla. Jesu Krete ke Eena motheo ona, hape ke “lejoe la ntlha” la ntlo ea Molimo (sheba le 1 Ba-Kor. 3:11). Kereke le eona e ne e tla emisa ho ba teng haeba e ne e sa etse Krete lejoe la ntlha la liketso tsa eona. Taba-khoho ea kereke ke Jesu: bophelo ba Hae, lefu, tsoho, le ho khutla. Kereke e etsa sechaba sa balumeli ba kopaneng ho arolela lefatše litaba tse molemo tsa Jesu. ’Moko-taba oa kereke ke Jesu: eo e leng Eena, ea re etselitseng, le seo a se etsang ka ho rona, le seo a se fanang ho e mong le e mong ea tlang ho mo amohela e le Morena le Mopholosi. Setšoantšo sa lelapa le sona se na le moelelo o moholo. Sena se lutse holim’a likamano tseo batho ba nang le tsona har’a bona. Ke setšoantšo se tloaelehileng sa ntate le ’m’e, baena le likhaitseli. Tlamo e mahareng a litho tsa lelapa e ka ba matla, ’me le botšepahi bo tsamaellanang le lona bo ka feta tlamo tse ling tse kathoko. Botšepahi ke karolo e khoho ea bonngoe, hoba ke joang ho ka bang le bonngoe ho se na botšepahi? Setšoantšo see se amana le kereke joang? Litho tsa kereke le tsona ke litho tsa lelapa le le leng le lehlo. Re hokahane, e seng feela hobane re le litho tsa lelapa la botho ka ho ba le ntat’a rona moholo a le mong e leng Adama empa hape re amana le Jesu, Adama oa Bobeli ka boiphihlelo ba rona bo tšoanang ba “tsoalo bocha.” Ka mokhoa o joalo re hokahane e mong le e mong, e seng feela ka lebaka la linnete tsa lithuto tsa Bibe tseo re li lumelang hammoho empa le ka boiphihlelo ba ho ba meea e sokolotsoeng e nang le bophelo bo bocha ho Krete.

Ka masoabi, ha se motho e mong le e mong ea bileng le boiphihlelo bo botle le lelapa la hae. Kahona, setšoantšo seo se ka ’na sa se be le boleng bo boholo ho bona. Leha ho le joalo, ke joang re le kereke re ka bang lelapa leo batho ba bang ba so kang ba e-ba le lona?

Tempele ea Moea o Halalelang

Papiso e 'ngoe ea moaho eo Pauluse a e sebelisang ke tempele ea Molimo kapa ea Moea o Halalelang. Ke setšoantšo sa moaho o theko e holimo oa boleng bo phahameng. Hammoho le 1 Ba-Korinthe6:19, moo setšoantšo se supang 'mele oa motho ka bomong e le tempele ea Moea o Halalelang, Pauluse ho 1 Ba-Korinthe 3:16, 17 o sebelisa setšoantšo sena ho bua ka moaho o halalelang ka ho fetisisa le oa bohlokoahali oa khale o Bochabela bo Haufi, Tempele ea Molimo.

Bala 1 Ba-Korinthe 3:16, 17. Ho bolela'ng hore kereke ke tempele ea Moea o Halalelang? O hlokomelisa ka eng temaneng ea 17?

Ho hlakile hore Pauluse ha a bua ka kereke o nahanne ka moaho oa tempele kapa sebaka seo Molimo o lulang ho sona. Se-Gerike sa Testamente e Ncha se etsa phapang pakeng tsa “uena” ea bonngoe, ho supa motho a le mong, le “lona” ea bongata ho supa batho ba bangata. Boemong bona ke lona. Papiso ena e bua ka sehlopha sa batho: Bakreste ba Korinthe hammoho ba etsa tempele ea Moea o Halalelang, 'me moelelong oa semoea Molimo o lula har'a bona. Ho Pauluse, Molimo o lula har'a kopano ea Bakreste; kahona, tlhokomeliso ea hae ea hore mang le mang ea lekang ho senya kopano ena ea boena o tla tobana le litlamorao tse bosula tsa kahlolo. Bonngoe ba balumeli bo khubung ea kopano ena ea boena le boteng ba Molimo ka tempeleng. Leha temana ena e atisa ho sebelisoa moelelong oa hore motho a hlokomelise 'mele oa hae oa nama (e leng seo Bakreste ba loketseng ho se etsa leha ho le joalo) ha se eona taba eo Pauluse a neng a leka ho e fetisa mona. Ho e-na le hoo, molaetsa oa hae e ne e le oa tlhokomeliso ho ea ka senyang bonngoe ba kereke. Pejana khaolong eo, Pauluse o bua ka tseo a li bitsang liqholotso tsa bonngoe: “Hobane ha e le moo mona o sa le teng har'a lona, le liphapang” (1 Ba-Kor. 3:3). Mekhoa ena le maitšoaro e kotsi ho bonngoe ba Bokreste 'me e baka ho tsoa ha boteng ba Molimo ho tsoa tempeleng ea Hae. Ka mantsoe a mang, liphapang ka kerekeng li ka senya tempele ea Molimo. Ka mokhoa o joalo, o batla litho li behelle kathoko mekhoha le maitšoaro a behang bonngoe tlokotsing. Ha liphapang li hlaha ka kerekeng, keletso ea Pauluse ho Ba-Korinthe e ntse e ka sebetsa le kajeno: “Kea le rapela banab'eso, ka lebitso la Morena oa rona Jesu Krete, ke re: le ke le bolele bohle taba e le 'ngoe; likhaohano li se ke tsa e-ba teng har'a lona, le mpe le phethehe boikutlong bo le bong le khopolong e le 'ngoe” (1 Ba-Kor. 1:10).

Mōna, liphapang, le khaohano—ha se feela mathata ao kereke e neng e tobane le oona mehleng ea Pauluse. Re tobana le sona le kajeno. E mong le e mong oa rona o na le boikarabelo bofe ho leka ho sebetsana le mathata aa ka tsela e sa tlo bea bonngoe tlokotsing?

'Mele oa Krete

Mohlomong setšoantšo se tsoang pele se tsejoang sa kereke 'me se buuoang ka matla a fetisisang ka bonngoe ba litho tsa eona tse fapaneng ke ea 'mele oa Krete. “Hobane joaloka ha 'mele o le mong, 'me o e-na le litho tse ngata, 'me litho tsohle tsa 'mele o le mong, leha li le ngata, e le 'mele o le mong feela, Krete le eena o joalo. . . . Ha e le lona, le 'mele oa Krete, 'me le litho tse ling tsa hae” (1 Ba-Kor. 12:12, 27). Joaloka ha 'mele e le ntho e le 'ngoe e entsoeng ka litho tse ngata tse fapaneng, setho ka seng se e-na le mosebetsi o fapaneng le boikarabello, ho joalo le ka kereke e le 'mele oa Krete.

Bala 1 Ba-Korinthe 12:12–26. Setšoantšo see sa 'mele o le mong o nang le litho tse ngata e sebetsa joang phuthehong ea heno? E sebetsa joang le tlhophiso ea lefatše lohle joaloka Kereke ea Baleti ba Letsatsi la Bosupa?

Thuto ea Pauluse ho 1 Ba-Korinthe 12 e hlalisa 'nete ea bohlokoa ea hore bonngoe ba 'nete ba Bokreste ha bo ho fapaneng feela, ebile e seng ka ha ho se phapano, empa bo tla kaho fapana. Ha rea lokela ho makala hore Moea o Halalelang ke oona mohlohi oa ponahalo ena ea ho fapana. Joalo feela ka ha 'mele oa motho o kopane ka tsela e makatang ho ba ntho e le 'ngoe feela o bile o na le litho tse fapaneng, ho lokela ho ba joalo le ka 'mele oa Krete, oo ka ho fapana ha litho tsa oona o bontšang botlalo le monono oa 'mele oa Krete. Setšoantšo sena se bua le rona ka kotloloho re le kereke. Mashomeng a fokolang a fetileng a lilemo, Kereke ea Baleti ba Letsatsi la Bosupa e holile ka sekhahla se sehola. Kereke ea Baleti ba Letsatsi la Bosupa e bopiloee ka batho ba tsoang libakeng tsohle tseo o ka li nahanang, meetlo, le tikoloho. Liphapano tsa rona tsa merabe, mefuta, meetlo, thuto, le lilemo ha lia lokela ho lumelloa ho re arola ho Krete. Haeba ho na le ho hong, phapano tsena li lokela ho boptjoa ke Moea o Halalelang e le matla a bonngoe, ho bontša 'nete ea hore ho sa natse liphapano tsena, re ntho e le 'ngoe ho Krete. Joaloka ha re bone, maotong a sefapano bohle rea lekana, ho sa natse hore na re bo mang kapa na re tsoa kae. Ha lefatše le re potileng le ntse le tsoela pele ho aroha likoto, kereke e lokela ho bontša hore bonngoe phapanong bo ea fihleleha. Batho ba Molimo ba ka bontša matla a evangeli a folisang le ho boelanya. Ho makatsang ke hore Pauluse o re bolella kamoo boemo bona bo loketseng bo ka fihleloang kateng. “Kreste ke hlooho ea kereke; 'me ke eena 'Moloki oa 'mele oa hae” (Ba-Ef. 5:23). “Hape, ke eena hlooho ea 'mele, ea Kereke” (Ba-Kol. 1:18). Joaloka ha molumeli e mong le e mong a hokahane le Krete, 'mele 'ohle o otlola ka lijo tse tsoanang. Rea sitoa ke hona hore re ka lekanya bohlokoa ba boithuto ba Lentsoe la Molimo, kutlo ea seo re ithutang sona Lentsoeng, le maiphihlelo a tloaelehileng a khumamelo le thapelo bakeng sa bonngoe ba 'mele oa Krete.

Linku le Molisa

Bala Johanne 10:1–11. Ke lintlha life tsa papiso ee ea kereke e le mohlape tse buang ka bonngoe? Sheba le Lipesaleme 23.

Lefatšeng la sejoale-joale la litoropo tse kholo, ho se ho le thata ho bona leruo la liphoofole tsa mofuta ofe kapa ofe. Batho ba bangata hona joale ba tseba hanyane haholo ka kamano e lipakeng tsa linku le molEsa. Leha ho le joalo, ha Jesu a ne a pheta setšoantšo sena, batho ba ile ba mo utloisisa hantle. Ha a n'a re, "Ke 'na molisa ea molemo," ba ile ba phakisa ba elelloa le ho ananela hore o bua ka pesaleme ea 23:1, "Jehova ke molisa oa ka." Setšoantšo se ne se sa hlaka feela, se ne se bile se e-na le boleng bo boima maikutlong bo ileng ba etsa hore se hlake. Bochabeng ba Bochabela bo Haufi mehleng ea khale le kajeno, Bochabela bo Hare, balisa ba tsejoa ka boitelo ba bona ba ho hlokomela linku ho sa natse liqhohlotso. Papiso ea molisa e fetohile e 'ngoe ea litšoantšo tse ratoang ka ho fetisisa tse sebelisitsoeng Lengolong ho hlalosa semelo sa Molimo le kamano ea Hae le batho ba Hae.

Setšoantšo sa batho ba Molimo e le linku ke se thahasellisang. Maikutlo a mang ao re nang le oona ka linku ke ho hloka kotsi le ho hloka boitšireletso ha tsona. Ka mokhoa o joalo, li itšetlehile ho molisa ea molemo bakeng sa tšireletso le tataiso. Kanneke li bonoa li le booatla. Ka nako e 'ngoe linku lia lahleha, e se ka morero, 'me molisa o tla li batla a li busetse mohlaping. Likonyana li atisa ho hloka ho nkuoa 'me li hloka tlhokomelo e ngata ka ho fetEsa. Ho hlokeha mamelo le kutloisiso ho hlokomela linku. Ka litsela tse ngata, sena ke setšoantšo se nepahetseng sa ho tšoantša kereke. Setho sa kereke ha sea lokela ho tšoha letho empa se na le se sengata seo se tlang ho se una ka kamano ea sona le MolEsa.

Setšoantšong sena Jesu o boetse a tiisa bohlokoa ba hore linku li mamele lentsoe la molEsa. Ha maemo a hloka, hoa etsahala hore u sireletse mohlape e seng mekae ea linku ka ho e beha ka lesakeng le le leng. Li ka aroloa joang hamorao? Se hlokeheng feela ke hore molisa a eme monyako oa lesaka e be oa li bitsa. Linku tsa hae li tla tseba lentsoe la hae e be li tla ho eena. " 'Ere hobane a ntše linku tsa hae, a li etelle pele, 'me linku li mo latele, kahobane li tseba lentsoe la hae' " (Johanne 10:4). Ho bohlokoa ho kereke ho mamela lentsoe la MolEsa. Hantle-ntle, bonngoe le poloheho ea sechaba sa Molimo e itšetlehile katamelong ea bona ho Eena 'me e amana ka kotloloho le kutlo le boinehelo ba bona ho lentsoe la Hae.

Ka kakaretso batho ha ba rate ho tšoantšoa le linku. Leha ho le joalo, hobaneng see e le papiso e nepahetseng bakeng sa rona? Setšoantšo see se lokela ho re bolella eng ka bohloki ba rona ba Molisa le bohloki ba ho utloa lentsoe la Hae?

Ho Ithuta Haholoanyane:

Ellen G. White, “The Divine Shepherd,” maq. 476–484, ho *The Desire of Ages*; “The Church on Earth,” maq. 240–243, ho *Counsels for the Church*. “Moelong oa Tempele e Jerusalema le meaho ea se-Gerike le se-Roma e tletseng hohle, lingoli tsa Testamente e Ncha li sebelisa papiso ea tempele ho thusa balumeli ho bona khalalelo ea kereke, tšebetso ea Molimo ho theheng le ho holisa kereke, sebopelo sa bohlokoa sa mosebetsi oa Krete le oa Moea, le tlamo ea balumeli kahare ho kereke. Ho tsoa lehlakoreng la liahi ho ka bonahala e ka ke setšoantšo se emeng nqa e le ’ngoe. Leha ho le joalo, papiso ena e sebelisoa hammoho le karaburetso ea bophelo ’me tšebetso ea ho aha e atisa ho thatiselletsoa. Ho e-na le setšoantšo se sa tsitsinyeheng, ‘re hohelloa ho bona pale ea tšebetso ea khaho ho e-na le moaho o seng o felile.’ Kereke e neoa monyetla o hlollang oa ho ananela ‘tempele ea Molimo o phelang’ bophelong le paleng ea eona (2 Bakr. 6:16).”—Johanne McVay, “Biblical Metaphors for the Church: Building Blocks for Ecclesiology,” in Ángel Manuel Rodríguez, ed., *Message, Mission, and Unity of the Church* (Hagerstown, Md.: Review and Herald®, 2013), leq. 52.

Lipotso tsa Puisano:

1. Nahana ka litšoantšo tsa Bible ka kereke. Ke sefe seo u se ratang ka ho fetisisa? Ke hobaneng ha u khahlola ke seo? Lipapiso tse ling tsa kereke li ka fumahena litemaneng tsena: 1 Tim. 3:15, 2 Tim. 2:3–5, 1 Pet. 2:9. Lipapiso tsee li ruta eng hape ka kereke?
2. “Molimo o batla batho ba Hae ba kopane ka tlamo e tiileng ka ho fetisisa ea kopano ea Bokreste; ho tšepa baena ho bohlokoa bakeng a katleho ea kereke; khato e tšoanang e bohlokoa tloko tsa borapeli. Khato e le ’ngoe ea booa tla, ketso e le ’ngoe e bohlasoa, e ka lihela kereke tebe-tebeng ea mathata le mahloko ao e ka ’nang ea sitoa ho tsoa ho oona ka lilemo.”—Ellen G. White, *Testimonies for the Church*, vol. 3, leq. 446. Tlhokomeliso ee e re ruta eng mabapi le kamoo re lokelang ho leka ho ba hlokolosi ho lebela bonngoe ba kereke? E mong le e mong oa rona o na le boikarabello bofe tšebetsong ee e halalelang?
3. Thuto ea Sontaha e ile ea thathiselletsa hore leha re le “sechaba sa Molimo,” re lokela ho itšetleha holima mohau oa Molimo bakeng sa pholoho, e seng holim’a makhabane a rona le ka mohla o le mong. Hantle, na ebile u ka se re ke hona ho itšetleha ha rona holim’a mohau oa Molimo ho re etsang “sechaba sa Molimo” e le kannete? Hobaneng taba ee e le ea ’nete kapa e se eona?

Kakaretso: Testamente e Ncha e sebelisa papiso tse fapaneng ho hlalosa ka bobeli sebopelo le thomo ea kereke. Hoa bohlokoa ka ho fetisa, papiso tsena li re ruta hore Molimo o shebile batho ba Hae ka hloko e kholo ’me oa ba sireletsa. Litšoantšo tsena li boetse li ruta hore batho ba Molimo ba hokahane ka tsela e matla e mong ho e mong le hore rea hlokana bakeng sa ho etsa mosebetsi oo re bile litsoeng ho o etsa.